


www.BibleForChildren.org


Maatosa 8



Heedzantho gallas Galila biittan Qaana kataman
yaaganoy yaaganetis. Yesuusa aayiya he yaaganuwan
de7awusu. Yesuusika ba tamaaretara issife he
yaaganuwa xeegetis.



Woyne ushshay wurin, Yesuusa aayiya Yesuusako,
“Entaw woyne ushshay wuris” yaagasu. Yesuusa aayiya
oosanchotako, “I hintew odiyaba aybiba gidikoka
oothite” yaagasu.



Yesuusi oosanchotako, “Baathatan haathe kunthite” yaagis. Enti baathatas doona gakanaw haathe kunthidosona. Yesuusi entako, “Ha77i duuqidi yaaganuwa aawatethan poliseysas immite” yaagis. Enti iyaw efidi immidosona.




Yaaganuwa aawatethan poliseysi woyne ushshi
laametida haatha ganxi ekidi awupe yidaako
eribeenna, shin haatha
kunthida oosanchoti
eroosona. Yaaganuwa
aawatethan poliseysi
machiw ekeysa xeeigidi,
“Oonika lo77o woyne
ushsha asaa
koyrottidi
ushshees.”



“Yaatiidi asay uyi kallidaape guye, qiraariya immees.
Shin neeni lo77o woyne ushsha hanno gakanaw
wotha aggadasa” yaagis.





Yesuusi ha koyro malaata Galila biittan Qaana
kataman oothis; hessan ba
gitatetha beesis.
Iya tamaareti
iya ammanidosona.




Yesuusi Phexroosa soo geliya wode,
Phexroosa mache aayiya qoxo misha
hargen saketada zin7idaaro be7is.




Yesuusi I kushiya bochida wode qoxoyenne mishay
aggaagis. Paxa dendada iya mokasu.



Hargida asa ubbaanne tuna ayyaanati oykida asa
ubbaa omarsi away wullidaape guye, iyako ehidosona.
Kataman de7iya asa
ubbay he keetha
kare shiiqidosa.



Yesuusi dumma dumma hargen oyketida daro asaa
pathidi, daro tuna ayyaanata kessis. I ooneko tuna
ayyaanati erida gisho, enta odisonna diggis.




Wolqi iyape keyidi asa ubbaa pathiya gisho asay iya bochanaw koyoosona.



Oyddu asati issi gunda uraa tookidi iyako ehidosona.



Asay darida gisho, uraa Yesuusako
shiishanaw entaw danda7etonna ixin,
Yesuusi de7iya ginara keetha qaaridi,
kaara qawuxidi uraa I zin7ida algara
duge yeddidi Yesuusa sinthan
wodhisidosona.




Yesuusi enta ammanuwa be7idi, he gunda uraa, “Ta
na7aw, ne nagaray atto
geetetis” yaagis.


“Nena gayis, denda
eqada ne algaa
tookada ne
soo ba” yaagis.



Yesuusi baanaw wogoluwan gelida wode, iya
tamaaretika iyara baanaw
gelidosona. Enti qoponna
de7ishin, wolqaama hobbey
haatha bolla dendin
wogoloy mitettanaw gakis.
Shin Yesuusi dhiskis.



Yesuusi entako, “Hinteno, ammanoy pacidaysato, ayis yayyetii?” yaagis. Dendidi, hobbiyanne gotiya essis. Ellesidi ubbabay si77i gis. Iya tamaareti malaaleti, “Haysi, hari attoshin, hobbeyenne gotey kiiteteysi waanida asee?” yaagidosona.



Xoossaa Na7aa ammaniya ubbay
merinaa de7uwa laattanaape attishin,
dhayonna mela Xoossay ha alamiya
daro dosida gisho ba issi
Na7aa immis.



Roome 3:23 Asa ubbay nagara oothidosona; Xoossay entaw immida bonchuwafe haakidi attidosona.

Roome 6:23 Nagara gatey hayqo. Shin Xoossay, nu Godaa Kiristoos Yesuusa baggara immiya imotay merinaa de7o.

Ibraawe 9:27 Asi ubbay issi toho hayqanaw hessafe guye pirdetanaw bessees.

Efesoona 2:8,9 Hinte aadho keehatethan ammanon attideta. Hessika, Xoossaa imotape attishin, hinte ooon bentidaba gidenna. Oonika ceeqetonna mela atotethay bentiday ooon gidenna.



Roome 10:9,10 “Yesuusi Godaa” gada ne doonan markatikonne Xoossay iya hayqope denthidaaysa ne wozanan ammaniko, ne attana. Asi ba wozanan ammanidi xillees; ba doonan markatidi attees.

Yohaanaisa 3:16,17 Xoossaa Na7aa ammaniya ubbay merinaa de7uwa laattanaape attishin, dhayonna mela Xoossay ha alamiya daro dosida gisho ba issi Na7aa immis. Xoossay ba Na7aa ha alamiya kiittiday alamiya pirdanaw gidonashin alamiya iya baggara ashshanaasa.

1 Yohaanaisa 5:11-13 Hiza, markatethay haysa; Xoossay nuus merinaa de7o immis; he de7oyka iya Na7an de7ees yaageysa. Xoossaa Na7ay de7iya oodeska de7oy de7ees. Xoossaa Na7ay bayna oodeska de7oy baawa. Xoossaa Na7an ammaniya hintew merinaa de7oy de7eysa hinte erana mela haysa hintew xaafas.



Maatosa 8-9; Marqoosa 1-2, 4; Luqaasa 4, 8;
Yohaanisa 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Gofa Bible (gof) The Word for the World International and
The Word for the World Ethiopia

<https://www.bible.com/en-GB/bible/2344/GEN.1.GFBLVF>

©2026 Bible for Children, Inc.

www.M1914.org

www.bibleforchildren.org

